

春秋本例


| | | |
|------|---|---|
| 漢書門類 | | |
| 二 | 六 | 三 |
| 一 | 九 | 號 |
| 五 | 八 | 架 |
| 五 | 冊 | 類 |

| | | |
|------|---|---|
| 內閣文庫 | | |
| 三 | 二 | 漢 |
| 九 | 六 | 書 |
| 冊 | 冊 | 類 |
| 五 | 冊 | 類 |
| 冊 | 冊 | 類 |

| | |
|------|------------|
| 內閣文庫 | |
| 番號 | 漢 2063 |
| 冊數 | 555 (2061) |
| 函號 | 209 108 |

共二





西疇居士春秋本例卷第十一

淺草文庫

涪陵崔氏

凡內事明

例時

來盟



桓十四年夏五鄭伯使其弟語來盟

闕月字又其下當有他事亦闕

閔二年冬齊高子來盟

僖四年夏楚屈完來盟于師

文十五年三月宋司馬華孫來盟

稱官而字之見其專官而恃貴也不

稱使以其私來也嫌與齊高子同例故加月以見譏

宣七年春衛侯使縣良夫來盟

通志堂

來朝

右五著例四共變例一

隱十一年春滕侯薛侯來朝

桓二年春正月滕子來朝桓弒逆之人諸侯所共惡今滕子實始修禮而朝事之故加月

以見

是年秋七月杞侯來朝亦譏始朝桓也詳具經解

桓六年冬紀侯來朝

桓七年夏穀伯綏來朝鄧侯吾離來朝

桓九年冬曹伯使其世子射姑來朝

桓十五年五月邾人牟人葛人來朝承鄭伯奔月

莊二十三年夏蕭叔朝公

莊二十七年冬杞伯來朝

僖七年夏小邾子來朝

僖十四年夏六月季姬及鄆子遇于防使鄆子

來朝解具內女遇鄆子下

僖二十年夏郟子來朝

僖二十七年春杞子來朝

文十一年秋曹伯來朝

文十二年春王正月杞伯來朝承鄭伯奔月

是年秋滕子來朝

文十五年夏曹伯來朝

宣九年秋邾子來朝

成四年三月杞伯來朝卒月

成六年夏六月邾子來朝為鄭伯 卒月

成七年夏五月曹伯來朝為三 望月

成十八年秋杞伯來朝

是年八月邾子來朝為公 薨月

襄元年九月邾子來朝承天王 崩月

襄六年秋滕子來朝

襄七年春邾子來朝

是年夏四月小邾子來朝承十 郊月

襄二十一年冬十月曹伯來朝承日 食月

襄二十八年夏邾子來朝

昭三年秋小邾子來朝

昭十七年春小邾子來朝

是年秋邾子來朝

定十五年春王正月邾子來朝為食郊 牛月

哀二年夏四月滕子來朝承衛侯 卒月

右三十四著例三十二其變例二

來聘

隱七年夏齊侯使其弟年來聘

桓三年冬齊侯使其弟年來聘

莊二十三年夏荆人來聘

莊二十五年春陳侯使女叔來聘

僖三十三年春王二月齊侯使國歸父來聘

承入

范茂

滑月

文四年秋衛侯使甯俞來聘

文九年冬楚子使椒來聘

文十二年秋秦伯使術來聘

宣十年冬齊侯使國佐來聘

成三年冬十一月晉侯使荀庚來聘為盟月

是月衛侯使孫良夫來聘

成四年春宋公使華元來聘

成八年春宋公使華元來聘

是年冬十月晉侯使士燮來聘承叔姬卒月

成十一年春王三月晉侯使卻擘來聘承公至月

成十八年夏晉侯使士匄來聘

襄元年冬衛侯使公孫剽來聘

是年冬晉侯使荀罃來聘

襄五年夏鄭伯使公子發來聘

襄七年冬十月衛侯使孫林父來聘為盟月

襄八年冬晉侯使士匄來聘

襄十二年夏晉侯使士魴來聘

襄十五年春宋公使向戌來聘

襄二十六年夏晉侯使荀吳來聘

襄二十七年春齊侯使慶封來聘

襄二十九年夏五月晉侯使士鞅來聘承公至月

是月吳子使札來聘

襄三十年春王正月楚子使遠罷來聘公前朝楚故楚使遠

罷來聘以報之蓋自文公九年至此歷七十餘年楚未嘗致聘於魯今遠罷之來欲報公明矣不正大夫之答君故加月以見譏

昭二年春晉侯使韓起來聘

昭十二年夏宋公使華定來聘

昭二十一年夏晉侯使士鞅來聘

右三十一著例三十其變例一

來會

定十四年秋邾子來會公

右一著例

來言

昭二十五年九月齊侯唁公于野井承公孫月

昭二十九年春齊侯使高張來唁公

昭三十一年夏四月晉侯使荀躒唁公于乾侯

承薛伯卒月

右三著例

來言

成八年春晉侯使韓穿來言汶陽之田歸之于

齊

右一著例

來求

隱三年秋武氏子來求購

文九年春毛伯來求金

右二著例

來渝平

隱六年春鄭人來渝平

右一著例

胥命

桓三年夏齊侯衛侯胥命于蒲

右一著例

來

隱元年冬十有二月祭伯來

為益師卒月

桓六年春正月寔來

寔猶是也言州公是欲來魯州公自曹猶以好來于我故書來然春秋以月志

然後州公之奔不疑矣詳具經解

桓八年冬十月祭公來

承兩雪月

僖二十九年春介葛盧來

是年冬介葛盧來

襄十八年春白狄來

右六著例五其變例一

以來

哀七年八月以邾子益來

承入邾來月

右一著例

逃來

莊十七年秋鄭詹自齊逃來

右一著例

來獻捷

莊三十一年夏六月齊侯來獻捷

獻捷大夫之事而齊侯親之故

加月以見譏

僖二十一年冬楚人使宜申來獻捷

右二著例一其變例一

來歸俘

莊六年冬齊人來歸衛俘

右一著例

來歸祿

文九年冬秦人來歸僖公成風之祿

右一著例

來奔喪

定十五年夏五月邾子來奔喪

承公薨月

右一著例

來會葬

襄三十一年冬十月滕子來會葬

為葬月

定十五年九月滕子來會葬

為葬月

右二著例

西疇居士春秋本例卷第十一 後學成德校訂

西疇居士春秋本例卷第十二

涪陵崔氏

凡內事門

例時

侵我

僖二十六年春王正月齊人侵我西鄙承公盟月

文七年夏四月狄侵我西鄙承宋公卒月

文十五年秋齊人侵我西鄙

是年十有二月齊侯侵我西鄙承歸子叔姬月

襄十四年夏四月莒人侵我東鄙承衛侯奔月

右五著例

伐我

莊十九年冬齊人宋人陳人伐我西鄙

莊二十年冬齊人伐我

僖二十六年夏齊人伐我北鄙

文十四年春王正月邾人伐我南鄙承公至月

文十七年夏四月齊侯伐我西鄙承葬小君月

成二年春齊侯伐我北鄙

襄八年夏莒人伐我東鄙

襄十年秋莒人伐我東鄙

襄十二年春王三月莒人伐我東鄙為遂入鄆月

襄十五年夏齊侯伐我北鄙

是年秋八月邾人伐我南鄙承日食月

襄十六年三月齊侯伐我北鄙承大夫盟月

是年秋齊侯伐我北鄙

襄十七年秋齊侯伐我北鄙

是秋齊高厚帥師伐我北鄙

是冬邾人伐我南鄙

襄十八年秋齊師伐我北鄙

襄二十五年春齊崔杼帥師伐我北鄙

定七年秋齊國夏帥師伐我西鄙

定八年夏齊國夏帥師伐我西鄙

哀八年春王正月吳伐我承入曹月

哀十一年春齊國書帥師伐我

右二十二著例

圍內邑

襄十二年莒人伐我東鄙圍台

襄十五年夏齊侯伐我北鄙圍成

襄十六年秋齊侯伐我北鄙圍成

襄十七年秋齊侯伐我北鄙圍桃

是年秋齊高厚帥師伐我北鄙圍防

右五著例

入內邑

隱二年夏五月莒人入向

為入極月

成九年冬十有一月楚公子嬰齊帥師伐莒庚

申莒潰楚人入鄆

是日莒先潰楚人得以入鄆也著日欲有所見也鄆吾邑也蓋是時楚非有意

於伐我因鄆之不守而遂入之耳然則何以不言遂再稱楚人不可以遂言也其再稱楚人何也是公子嬰齊不正其見利而妄入吾邑故貶之不與名稱也詳具經解

右二著例一其變例一

取內邑

昭二十五年十有二月齊侯取鄆

公孫在齊故齊取鄆以居公也是時

齊強魯弱不能責季氏之罪以納公而乃取一邑以居焉見齊之無意於納公矣昭公不悟猶居鄆三年以待齊及其不能然後始之晉故此加月以見譏

哀八年夏齊人取謹及闡

右二著例一其變例一

取内田

宣元年六月齊人取濟西田

宣公以庶立齊侯以大國之權來為平州之會以定公位

故以田賂齊也不正魯之以田與齊而齊之受田于魯故加月以見譏

右一變例

内入邑

隱八年三月庚寅我入禚

鄭伯守人之土地而妄以與人我不度義而受之邑人不賓至於用師而入之亦病矣故加月以譏歸禚而加日以譏入禚也

右一變例

内取邑

成六年二月取鄆

承立武宮月

襄十三年夏取郟

昭元年三月取鄆

取之莒也莒魯爭鄆久矣是時莒有弒君之禍豈魯責賂於莒而後取鄆乎故加月

以見譏

昭四年九月取鄆

取之莒也始鄆欲屬魯而為莒所滅魯不能救今復取之於莒又不復其國家而遂

有之故加月以見譏

昭三十二年春正月取闕

承在乾侯月

右五著例三其變例二

内取田

僖三十一年春取濟西田

成二年秋八月取汶陽田

承宋公卒月

襄十九年春王正月取邾田自漵水

承盟柯月

右三著例

歸內邑

隱八年二月鄭伯使宛來歸枋

加月譏也解具入枋下

哀八年冬十有二月齊人歸讙及闡

承杞伯卒月

右二著例一其變例一

歸內田

宣十年春齊人歸我濟西田

定十年夏齊人來歸鄆讙龜陰田

右二著例

假田

桓元年三月鄭伯以璧假許田

承公會月

右一著例

稅畝

宣十五年秋初稅畝

右一著例

田賦

哀十二年春用田賦

右一著例

蒐

昭八年秋蒐于紅

昭十一年五月大蒐于比蒲

承夫人卒月

昭二十二年春大蒐于昌間

定十三年夏大蒐于比蒲

定十四年秋大蒐于比蒲

右五著例

狩

哀十四年春西狩獲麟

右一著例

來乞師

成十三年春晉侯使卻錡來乞師

成十六年六月晉侯使欒黶來乞師承日食月

成十七年九月晉侯使荀瑩來乞師承盟柯陵月

成十八年冬晉侯使士魴來乞師

右四著例

平

昭七年春王正月暨齊平凡言及者我意也變及言暨知非我意也吾之平強矣故加月

以見譏

定十年春王三月及齊平齊魯比年有侵伐之怨魯實畏齊平齊之平強矣故加月以見

譏頰谷之會齊有異謀知齊之不欲平亦明矣

定十一年冬及鄭平

右三著例一其變例二

戍

襄五年冬戍陳

襄十年冬戍鄭虎牢

右二著例

二百一
次 俟附

莊八年春王正月師次于郎以俟陳人蔡人
為治兵月
莊三十年夏次于成

右二著例

師救

僖十八年夏師救齊

右一著例

師圍

莊八年夏師及齊師圍邾

右一著例

師還

莊八年秋師還

右一著例

歸

定五年夏歸粟于蔡

哀八年夏歸邾子益于邾

右二著例

城

隱七年夏城中丘

隱九年夏城郎

桓五年夏城祝丘

桓十六年冬城向

莊二十九年冬十有二月城諸及防承祀叔姬卒月

莊三十二年春城小穀

宣八年冬十月城平陽承葬小君月

成四年冬城鄆

成九年冬十有一月城中城承葬齊頃公月

襄七年夏四月城費承卜郊月

襄十三年冬城防

襄十九年冬城西郭

是冬城武城

定六年冬城中城

定十四年秋城莒父及霄

定十五年冬城漆

哀四年夏城西郭

哀五年春城毗

哀六年春城邾瑕

右十九著例

築

莊元年秋築王姬之館于外

莊二十八年冬築郕

莊三十一年春築臺于郎

是年夏四月築臺于薛承薛伯卒月

是年秋築臺于秦

成十八年八月築鹿囿

為公薨月

昭九年冬築郎囿

定十三年夏築虵淵囿

右八著例

作

僖二十年春新作南門

定二年冬十月新作雉門及兩觀

兩觀之僭久矣今復作之故目事以

見譏而加月也

右二著例一其變例一

新

莊二十九年春新延廡

右一著例

浚

莊九年冬浚洙

右一著例

毀

文十六年秋八月毀泉臺

承夫人薨月

右一著例

竊

定八年冬盜竊寶玉大弓

右一著例

得

定九年夏四月得寶王大弓

承鄭伯卒月

右一著例

取殺

莊九年九月齊人取子糾殺之

凡外殺世子公子例皆時以魯之不能存子糾

故加月以見譏

右一變例

西疇居士春秋本例卷第十二

後學 成德 校訂

西疇居士春秋本例卷第十三

涪陵崔氏

凡外事門

凡外與內接而於外事為重者自見本門

例日

戰 敗績附

莊二十八年春王三月甲寅齊人伐衛衛人及

齊人戰衛人敗績

僖十五年十有一月壬戌晉侯及秦伯戰于韓

僖十八年五月戊寅宋師及齊師戰于贏齊師

敗績

僖二十二年冬十有一月己巳朔宋公及楚人

戰于泓宋師敗績

僖二十八年夏四月己巳晉侯齊師宋師秦師

及楚人戰于城濮楚師敗績

文二年春王二月甲子晉侯及秦師戰于彭衙

秦師敗績

文七年夏四月戊子晉人及秦人戰于令狐

文十二年冬十有二月戊午晉人秦人戰于河

曲

宣二年春王二月壬子宋華元帥師及鄭公子

歸生帥師戰于大棘宋師敗績

宣十二年夏六月乙卯晉荀林父帥師及楚子

戰于邲晉師敗績

成二年夏四月丙戌衛孫良夫帥師及齊師戰

于新築衛師敗績

成十六年六月甲午晦晉侯及楚子鄭伯戰于

鄆陵楚子鄭師敗績

定四年冬十有一月庚午蔡侯以吳子及楚人

戰于柏舉楚師敗績

哀二年秋八月甲戌晉趙鞅帥師及鄭罕達帥

師戰于鐵鄭師敗績

右十四著例

敗

僖三十三年夏六月辛巳晉人及姜戎敗秦師

于殽

右一著例

右戰敗大國次國同例

入

隱五年秋衛師入邾

凡入大國次國例皆曰邾伯爵蓋次國而不日入何也傳謂衛之亂也而邾人

侵衛故衛師入邾猶信也夫利人之亂而欲得志焉者取禍之道春秋深惡焉故不月與日以見譏

隱十年秋宋人衛人入鄭

宋為大國鄭不能事大乃與齊魯比而伐之致宋喪師而失二

邑此宋所以怒而入鄭也鄭之見入有以自取之矣鄭尚不知自咎乃復掩其不備而取宋衛蔡三國之師春秋深惡焉故不月與

日以見譏

是年冬十月壬午齊人鄭人入邾

文十五年六月晉卻缺帥師伐蔡戊申入蔡

宣十一年冬十月丁亥楚子入陳

襄二十五年六月壬子鄭公孫舍之帥師入鄭

右六著例四其變例二

滅

僖二十五年春王正月丙午衛侯燬滅邢

宣十二年冬十有二月戊寅楚子滅蕭

昭八年冬十月壬午楚師滅陳

昭十一年冬十有一月丁酉楚師滅蔡

右四著例

右入滅大國次國同例然大國未有見也

滅國以君歸 殺之附

僖二十六年秋楚人滅夔以夔子歸 傳謂夔子不祀其祖楚人讓之

而夔子終不祀也故楚人滅夔夫有不祀之罪而且致怒大國者取亡之道春秋譏焉故不月以見之國滅故不月則以歸不得而

也日

定四年夏四月庚辰蔡公孫姓帥師滅沈以沈

子嘉歸殺之

定六年春王正月癸亥鄭游速帥師滅許以許

男斯歸

定十四年二月辛巳楚公子結陳公孫佗人帥

師滅頓以頓子牂歸

定十五年二月辛丑楚子滅胡以胡子豹歸

右五著例四其變例一

國君滅

昭二十三年秋七月戊辰吳敗頓胡沈蔡陳許

之師于雞父胡子髡沈子逞滅

右一著例

誘殺國君

昭十一年夏四月丁巳楚子虔誘蔡侯般殺之

于申

右一著例

盜殺國君

哀四年春王二月庚戌盜殺蔡侯申

執國君用之

右一著例

僖十九年夏六月己酉邾人執郈子用之

右一著例

弑君

隱四年春二月戊申衛州吁弑其君完

桓二年春王二月戊申宋督弑其君與夷及其

大夫孔父

莊八年冬十有一月癸未齊無知弑其君諸兒

莊十二年秋八月甲午宋萬弑其君捷及其大

夫仇牧

僖十年春王正月晉里克弑其君卓及其大夫

荀息 失日

文元年冬十月丁未楚世子商臣弑其君頹

文十四年九月甲申齊公子商人弑其君舍

文十六年冬十有一月宋人弑其君杵臼 失日

文十八年夏五月戊戌齊人弑其君商人

是年冬十月莒弑其君庶其 失日

宣二年秋九月乙丑晉趙盾弑其君夷臯

宣四年夏六月乙酉鄭公子歸生弑其君夷

宣十年夏五月癸巳陳夏徵舒弑其君平國

成十八年春王正月庚申晉弑其君州蒲

襄二十五年夏五月乙亥齊崔杼弑其君光

襄二十六年春王二月辛卯衛甯喜弑其君剽

襄三十年夏四月蔡世子般弑其君固失日

襄三十一年十有一月莒人弑其君密州失日

昭十三年夏四月楚公子比自楚歸于晉弑其

君虔于乾溪失日

昭十九年夏五月戊辰許世子止弑其君買

定十三年冬薛弑其君比失日

哀六年秋七月庚寅齊陳乞弑其君荼

右二十二著例十六其失月者一失日者

五 弑君父天下之大惡春秋於其辭不加譏貶焉亦不區區以日月例見也其失日月者闕之志臣子不謹而已

卒

隱三年八月庚辰宋公和卒

桓十四年冬十有二月丁巳齊侯祿父卒

莊二年冬十有二月乙酉宋公馮卒

僖九年春王正月丁丑宋公御說卒

是年九月甲子晉侯倮諸卒

僖十七年冬十有二月乙亥齊侯小白卒

僖二十三年夏五月庚寅宋公茲父卒

僖二十四年冬晉侯夷吾卒失月

僖二十七年夏六月庚寅齊侯昭卒

僖三十二年冬十有二月己卯晉侯重耳卒

文六年八月乙亥晉侯驩卒

文七年夏四月宋公王臣卒 失日

文十四年夏五月乙亥齊侯潘卒

文十八年春王二月秦伯罃卒 失日

宣四年春王正月秦伯稻卒 失日

宣九年九月辛酉晉侯黑臀卒于扈

宣十年夏四月己巳齊侯元卒

宣十八年七月甲戌楚子旅卒

成二年秋八月壬午宋公鮑卒

成九年秋七月丙子齊侯無野卒

成十年夏五月丙午齊侯孺卒

成十五年夏六月宋公固卒 失日

襄十三年九月庚辰楚子審卒

襄十五年十有一月癸亥晉侯周卒

襄十九年七月辛卯齊侯環卒

襄二十八年十有二月乙未楚子昭卒

昭元年冬十有一月己酉楚子麇卒

昭十年秋七月戊子晉侯彪卒

是年十有二月甲子宋公成卒

昭十六年秋八月己亥晉侯夷卒

昭二十五年十有一月己亥宋公佐卒于曲棘

昭二十六年九月庚申楚子居卒

昭三十年六月庚辰晉侯去疾卒

哀五年秋九月癸酉齊侯杵臼卒

哀六年秋七月庚寅楚子軫卒

哀十年三月戊戌齊侯陽生卒

右大國卒三十六著例三十一其失月者

一失日者四

隱八年夏六月己亥蔡侯考父卒

桓五年春正月甲戌己丑陳侯鮑卒

再著日義具經解

桓十一年夏五月癸未鄭伯寤生卒

桓十二年八月壬辰陳侯躍卒

桓十七年六月丁丑蔡侯封人卒

莊元年冬十月乙亥陳侯林卒

莊二十一年夏五月辛酉鄭伯突卒

莊二十五年夏五月癸丑衛侯朔卒

僖十二年十有二月丁丑陳侯杵臼卒

僖十四年冬蔡侯貜卒

失月

僖二十五年夏四月癸酉衛侯燬卒

僖二十八年六月陳侯款卒

失日

僖三十三年夏四月己丑鄭伯捷卒

文十三年夏五月壬午陳侯朔卒

宣三年冬十月丙戌鄭伯蘭卒

宣九年冬十月癸酉衛侯鄭卒

宣十七年春王正月丁未蔡侯申卒

成二年秋八月庚寅衛侯速卒

成四年三月壬申鄭伯堅卒

成六年夏六月壬申鄭伯費卒

成十四年冬十月庚寅衛侯臧卒

襄二年六月庚辰鄭伯踰卒

襄四年春王三月己酉陳侯午卒

襄七年冬十有二月鄭伯髡頑如會未見諸侯

丙戌卒于鄆

襄二十九年夏五月庚午衛侯衎卒

昭七年八月戊辰衛侯惡卒

昭八年夏四月辛丑陳侯溺卒

昭十二年三月壬午鄭伯嘉卒

昭二十年十有一月辛卯蔡侯盧卒

昭二十三年夏六月蔡侯東國卒于楚失日

昭二十八年夏四月丙戌鄭伯寧卒

定四年春王二月癸巳陳侯吳卒

定八年秋七月戊辰陳侯柳卒

定九年夏四月戊申鄭伯蠆卒

哀二年四月丙子衛侯元卒

右次國卒三十五著例三十二其失月者

一失日者二

隱七年春王三月滕侯卒 失日

隱八年夏六月辛亥宿男卒

桓十年正月庚申曹伯終生卒

莊十六年冬十有二月邾子克卒 失日

莊二十三年冬十有一月曹伯射姑卒 失日

莊二十八年四月丁未邾子瑣卒

莊三十一年夏四月薛伯卒 失日

僖四年夏許男新臣卒 失日

僖七年秋七月曹伯班卒 失日

僖二十三年十有一月杞子卒 失日

文五年冬十月甲申許男業卒

文九年秋八月曹伯襄卒 失日

文十三年夏五月壬午邾子蘧篠卒

宣九年八月滕子卒 失日

宣十七年春王正月庚子許男錫我卒

成十三年夏五月曹伯廬卒于師 失日

成十四年春王正月莒子朱卒

成十六年夏四月辛未滕子卒

成十七年十有二月邾子矍且卒 失日

襄六年春王三月壬午杞伯姑容卒

襄十七年春王二月庚午邾子貜卒

襄十八年十月曹伯負芻卒于師 失日

襄二十三年三月己巳杞伯句卒

襄二十六年八月壬午許男甯卒于楚

昭元年六月丁巳邾子華卒

昭三年春王正月丁未滕子原卒

昭六年春王正月杞伯益姑卒失日

昭十四年三月曹伯滕卒失日

是年八月莒子去疾卒失日

昭十八年春王三月曹伯須卒失日

昭二十四年八月丁酉杞伯郁釐卒

昭二十七年冬十月曹伯午卒失日

昭二十八年七月癸巳滕子寧卒

昭三十一年夏四月丁巳薛伯穀卒

定三年二月辛卯邾子穿卒

定四年夏五月杞伯成卒于會失日

定八年三月曹伯露卒失日

定十二年春薛伯定卒失月

哀四年秋八月甲寅滕子結卒

哀八年冬十有二月癸亥杞伯過卒

哀十年五月薛伯夷卒失日

哀十一年秋七月辛酉滕子虞母卒

哀十三年夏許男成卒

右小國卒四十三著例二十其失月二其

失日二十一

小國赴告之禮有不備故其失日月者特多也且又不名者七然後知赴告之禮不備明矣春秋以人之善惡皆見於行事亦無事於死而後為之譏貶故雖闕日之多不嫌也志臣子不謹而亡矣

西疇居士春秋本例卷第十三

後學 成德 校訂

西疇居士春秋本例卷第十四

涪陵崔氏

凡外事門

例月

諸侯盟

離盟則不月

隱二年冬十月紀子帛莒子盟于密

離盟不月承伯姬歸月

隱三年冬十有二月齊侯鄭伯盟于石門

離盟不月為葬

宋公

隱八年秋七月庚午齊侯宋公衛侯盟于瓦屋

傳謂諸侯之參盟於是焉始故謹而日之或然也其詳具經解

僖二年秋九月齊侯宋公江人黃人盟于貫

通志堂

僖十九年六月宋公曹人邾人盟于曹南鄆子

會盟于邾

文十五年冬十一月諸侯盟于扈

宣十一年夏楚子陳侯鄭伯盟于辰陵

楚子之與陳鄭盟謀

以討陳亂而安鄭也然終以入陳而納其姦人又明年圍鄭以楚子不信其盟甚矣故不月以見譏

定七年秋齊侯鄭伯盟于鹹

離盟

是秋齊侯衛侯盟于沙

離盟

定八年冬衛侯鄭伯盟于曲濮

離盟

右十著例八其變例二

立君

隱四年冬十有二月衛人立晉

右一著例

執國君 以伐 以歸附

僖二十一年秋宋公楚子陳侯蔡侯鄭伯許男

曹伯會于孟執宋公以伐宋

凡大國執例月此特譏之而以時志猶曰為中

國恥故略之也

僖二十八年冬晉人執衛侯歸之于京師

承天王守河陽

故不月

成九年秋七月晉人執鄭伯

右三著例一其變例一其闕文一

獲國君

僖十五年十有一月壬戌晉侯及秦伯戰于韓

通志堂

獲晉侯

右一著例

釋國君

僖二十一年十有二月癸丑公會諸侯盟于薄

釋宋公

承盟日

右一著例

國君奔

桓十一年九月鄭忽出奔衛

桓十五年五月鄭伯突出奔蔡

桓十六年十有二月衛侯朝出奔齊

僖二十八年夏四月衛侯出奔楚

文十二年春王正月邾伯來奔

襄十四年夏四月己未衛侯出奔齊

是時孫林父費逐其君春秋惡

焉故不名衛侯以見之又加日以謹林父之惡也

昭二十一年冬蔡侯朱出奔楚

般以誘殺有執而用焉朱顧不能復讎而又奔

之春秋賤焉故不月以譏

右七著例五其變例二

國君歸

桓十五年五月鄭世子忽復歸于鄭

僖二十八年六月衛侯鄭自楚復歸于衛

襄二十六年春王二月甲午衛侯衎復歸于衛

辛卯而剽弑甲午而衎入剽之弑衎與有力焉故加日以見之

昭十三年八月蔡侯廬歸于蔡
是月陳侯吳歸于陳

右五著例四其變例一

國君入

桓十五年秋九月鄭伯突入于櫟

莊六年夏六月衛侯朔入于衛

襄二十五年秋八月衛侯入于夷儀

右三著例

右奔歸入大國次國同例然大國未有見也

敗小國

僖十五年冬楚人敗徐于婁林

三年徐人取舒舒楚屬也蓋徐人恃齊而取之

及桓德既衰而後楚亟伐徐敗之婁林徐之禍有以自取之春秋譏焉故不月以見之

右一變例

入小國

隱二年夏五月無駭帥師入極

隱十一年秋七月壬午公及齊侯鄭伯入許是時桓公

邾父為亂公不能靖內難至於身弑而不知而顧入人之國亦不知務矣故加日以見譏

桓二年九月入杞

僖二十年五月鄭人入滑

僖二十七年秋八月乙巳公子遂帥師入杞是年杞子

來朝夫春接其君秋入其國以內為過矣故加日以見譏

僖二十八年三月丙午晉侯入曹

晉侯入曹而執曹伯畀宋人晉又於

通志堂

是失正矣故加日以見譏

僖三十三年春王二月秦人入滑

文五年夏秦人入郟

傳謂郟叛楚即秦而又貳於楚故秦人入郟猶信也蓋郟之禍有以自取之故

不月以見譏

昭十八年六月邾人入郟

哀七年秋公伐邾八月己酉入邾

解具公伐下

哀八年春王正月宋公入曹以曹伯陽歸

右十一著例七其變例四

滅小國

君奔附

莊十年冬十月齊師滅譚譚子奔莒

莊十三年夏六月齊人滅遂

僖二年夏五月虞師晉師滅夏陽

僖五年秋八月楚人滅弦弦子奔黃

僖十二年夏楚人滅黃

文四年秋楚人滅江

江黃漢東之國而屬於楚聞齊桓之興不內自度遽欲背楚而親中國桓公方

欲事楚故貫之盟陽穀之會實從黃江之人以謀楚明年遂與召陵之師楚既內服江黃遂會伐陳則楚之有怒於兩國可知矣及桓德既衰楚益內侮僖之十二年楚伐黃而遂滅黃至此楚伐江而遂滅江也夫為國不知所以自謀而致怒大國者取亡之道春秋譏焉故不月以見之

文五年秋楚人滅六

春秋滅國變日月之例者八江黃夔六項鄆巢徐是也蓋譏其有以自取滅亡

之禍而已然六之罪未有見焉春秋以例著者不疑矣不然或月闕耳

襄六年秋莒人滅鄆

鄆故莒屬也欲去莒而附魯故前年叔孫豹鄆世子如晉明年又會戚傳所謂

請屬鄆是也夫小國之政不安其舊而新是圖以致怒於人者取亡之道春秋譏焉故不月以見之

是年十有二月齊侯滅萊

昭四年秋七月楚子蔡侯陳侯許男頓子胡子

沈子淮夷伐吳遂滅賴

右十著例六其變例四

右敗入滅小國微國同例

戕國君

宣十八年秋七月邾人戕鄆子于鄆

戕國君重事例
當日諸侯卒則

名鄆子不名不日
見微國赴告不備

右一著例

克

隱元年夏五月鄭伯克段于鄆

右一著例

亡

僖十九年冬梁亡

梁之亡也不以月志然後知諸國有
以自取滅亡之禍者其不月明矣

右一變例

國遷

莊十年三月宋人遷宿

閔二年春王正月齊人遷陽

僖元年夏六月邢遷于夷儀

僖三十一年十有二月衛遷于帝丘

成十五年冬十有一月許遷于葉

昭九年春許遷于夷

許自此至定之四年二十五年之間凡
三遷都焉夫國家之政士民之居何可

通志堂

數遷數遷則下騷動而亦不足以為國矣春秋譏焉故不月以見之

昭十八年冬許遷于白羽

定四年六月許遷于容城承葬陳惠公月

哀二年冬十有一月蔡遷于州來

右九著例六其變例三

國潰

僖四年春王正月公會齊侯宋公陳侯衛侯鄭

伯許男曹伯侵蔡蔡潰

文三年春王正月叔孫得臣會晉人宋人陳人

衛人鄭人伐沈沈潰

成九年冬十有一月楚公子嬰齊伐莒庚申莒

潰楚人入鄆解具入鄆下

右三著例

葬

隱三年十有二月癸未葬宋繆公

桓十五年夏四月己巳葬齊僖公

莊三年夏四月葬宋莊公

莊九年秋七月丁酉葬齊襄公

僖十八年秋八月丁亥葬齊桓公

僖二十七年秋八月乙未葬齊孝公

僖三十三年夏四月癸巳葬晉文公

文六年冬十月葬晉襄公

宣十年六月葬齊惠公

成三年二月乙亥葬宋文公

成九年冬十有一月葬齊頃公

成十五年八月庚辰葬宋共公

襄十六年春王正月葬晉悼公

襄十九年冬葬齊靈公

昭十年九月葬晉平公

昭十一年春王二月葬宋平公

昭十六年冬十月葬晉昭公

昭二十六年春王正月葬宋元公

昭三十年秋八月葬晉頃公

哀五年閏月葬齊景公

哀十年五月葬齊悼公

右大國葬二十一著例十二其變例九加日者八

不月者一

隱五年夏四月葬衛桓公

桓五年夏葬陳桓公

桓十一年秋七月葬鄭莊公

桓十三年三月葬衛宣公

桓十七年八月癸巳葬蔡桓侯

莊二年春王二月葬陳莊公

莊二十一年冬十有二月葬鄭厲公

僖十三年夏四月葬陳宣公

僖二十五年秋葬衛文公

宣三年冬十月葬鄭穆公

宣十二年春葬陳靈公

宣十七年夏葬蔡文公

成三年春王正月辛亥葬衛穆公

成四年夏四月葬鄭襄公

成十五年春王二月葬衛定公

襄四年秋七月葬陳成公

襄八年夏葬鄭僖公

襄二十九年秋九月葬衛獻公

襄三十年冬十月葬蔡景公

昭七年十有二月癸亥葬衛襄公

昭八年冬十月壬午葬陳哀公

此加日隱之也亡國之葬也與葬紀伯姬紀叔

例 姬同

昭十二年五月葬鄭簡公

昭十三年冬十月葬蔡靈公

昭二十一年春王三月葬蔡平公

昭二十八年六月葬鄭定公

定四年六月葬陳惠公

定八年九月葬陳懷公

定九年六月葬鄭獻公

哀二年冬十月葬衛靈公

哀四年冬十有二月葬蔡昭公

右次國葬三十著例二十一其變例九加日者三

不月者六其一亡國之葬

右大國次國之葬例月其越禮而葬者僭也故加日以見之其不及禮而葬者逼也故去月以見之傳稱宋華元樂舉厚葬文公今宋文之葬實日衛文侯之儉也今衛文之葬實不月以類考之可知矣古人以送死可當大事故春秋以葬禮為重於其有過不及者皆明著以見譏焉是以大國之僭禮者多而次國之僭禮者少次國不及禮者多而大國之不及者少理勢然也蓋惟天子無僭而小國無逼耳

西疇居士春秋本例卷第十四

後學 成德 校訂

通志堂

西疇居士春秋本例卷第十五

涪陵崔氏

凡外事門

例時

諸侯會

桓二年秋七月蔡侯鄭伯會于鄧

承紀侯朝月

莊十五年春齊侯宋公陳侯衛侯鄭伯會于鄧

僖三年秋齊侯宋公江人黃人會于陽穀

僖二十一年秋宋公楚子陳侯蔡侯鄭伯許男

曹伯會于孟

文十七年六月諸侯會于扈

承公盟月

宣九年秋九月晉侯宋公衛侯鄭伯曹伯會于

扈承晉侯
卒月

定十年冬齊侯衛侯鄭遊速會于安甫

定十四年秋齊侯宋公會于洮

右八著例

大夫盟

桓十一年春正月齊人衛人鄭人盟于惡曹

是三國來

戰之人也彼恃強凌我不約而來戰又復同盟以固其惡春秋惡焉故加月以見譏

僖二十一年春宋人齊人楚人盟于鹿上

宣十二年冬十有二月晉人宋人衛人曹人同

盟于清丘承滅蕭月

右三著例二其變例一

大夫會

襄三十年冬十月晉人齊人宋人衛人鄭人曹

人莒人邾人滕人薛人杞人小邾人會于澶

淵宋災故承葬蔡景公月

昭二十七年秋晉士鞅宋樂祈犁衛北宮喜曹

人邾人滕人會于扈

右二著例

相如

桓五年夏齊侯鄭伯如紀

是年冬州公如曹

右二著例

如會如師

僖二十八年五月陳侯如會承盟月

成二年秋七月齊侯使國佐如師為盟月

襄三年夏六月陳侯使袁僑如會承盟月

襄七年十有二月鄭伯髡頑如會承會月

右四著例

乞盟

僖八年春王正月鄭伯乞盟承盟月

右一著例

平

宣十五年夏五月宋人及楚人平稱人以平平在下也故加月以見譏

詳具經解

右一變例

還

九年秋七月晉士匄帥師侵齊至穀聞齊

侯卒乃還承齊侯卒月

右一著例

次

莊十年夏六月齊師宋師次于郎為敗宋師月

僖元年春王正月齊師宋師曹師次于聶北承元年正月

月

文十年冬楚子蔡侯次于厥貉

定九年秋齊侯衛侯次于五氏

定十三年春齊侯衛侯次于垂葭

定十五年夏五月齊侯衛侯次于渠蔭承郊月

右六著例

遇

隱八年春宋公衛侯遇于垂

莊四年夏齊侯陳侯鄭伯遇于垂

莊三十二年夏宋公齊侯遇于梁丘

右三著例

以

桓十四年冬十有二月宋人以齊人蔡人衛人

陳人伐鄭

定四年冬十有二月庚午蔡侯以吳子及楚人

戰于柏舉

右二解具本事下

逃歸不盟附

僖五年秋八月鄭伯逃歸承盟月

右一著例

大去

莊四年夏紀侯大去其國

右一著例

小國君奔

莊二十四年冬曹羈出奔陳

昭元年秋莒展與出奔吳

昭三年冬北燕伯欵出奔齊

昭二十三年秋七月莒子庚與來奔為敗雞父月

哀十年春王二月邾子益來奔邾子之前年以來今又奔之以益為賤而無恥

矣故加月以見譏

右五著例四其變例一

小國君歸

僖二十八年冬曹伯襄復歸于曹

成十六年秋曹伯歸自京師

右二著例

執小國君

界附歸于附

僖五年冬晉人執虞公

僖十九年春王三月宋人執滕子嬰齊滕子之名失地之君

也夫諸侯有失地者諸侯相與納之蓋可也今宋襄圖霸不能懷綏小國又因其微弱而遂執之以宋為不義故加月以見譏

僖二十八年三月丙午晉人入曹執曹伯界宋

人解具入曹下

成十五年三月晉侯執曹伯歸于京師承盟月

襄十六年三月晉人執莒子邾子以歸承盟月

襄十九年春王正月晉人執邾子承盟月

昭四年夏楚人執徐子

哀四年春王二月宋人執小邾子承殺蔡侯月

右八著例七其變例一

大夫奔

莊十二年冬十月宋萬出奔陳萬弒君之賊宋人不即討縱之踰時而後出奔

以爲其國無臣子矣故加月以志其久且見譏也

僖二十八年六月衛元咺出奔晉承衛侯歸月

文六年冬十月晉狐射姑出奔狄承葬晉襄公月

文七年夏四月晉先蔑奔秦承宋公卒月

文八年十月宋司城來奔承盟月

文十四年九月宋子哀來奔承公孫敖卒月

宣十年夏四月齊崔氏出奔衛承日食月

成七年冬衛孫林父出奔晉

成十五年秋八月宋華元出奔晉承葬宋襄公月

是月宋魚石出奔楚

成十七年秋齊高无咎出奔莒

襄六年夏宋華弱來奔

襄十七年九月宋華臣出奔陳承雩月

襄二十年秋蔡公子履出奔楚

是秋陳侯之弟光出奔楚

襄二十一年王正月邾庶其以漆間丘來奔承公如晉月

是年秋晉欒盈出奔楚

襄二十三年夏邾畀我來奔

襄二十四年冬陳鍼宜咎出奔楚

襄二十七年夏衛侯之弟鱣出奔晉

襄二十八年夏衛石惡出奔晉

是年冬齊慶封來奔

襄二十九年秋九月齊高止出奔北燕承蒞衛獻公月

襄三十年秋七月鄭良霄出奔許承蒞宋姬月

昭元年夏秦伯之弟鍼出奔晉

是年冬十有一月楚公子比出奔晉承楚子卒月

昭五年夏莒牟夷以牟婁及防茲來奔

昭六年夏宋華合比出奔衛

昭八年夏四月陳公子留出奔鄭承陳侯卒月

昭十年夏齊欒施來奔

昭十五年夏蔡朝吳出奔鄭

昭二十年夏曹公孫會自鄭出奔宋

是年冬十月宋華亥向寧華定出奔陳大國三卿今相與同

惡一旦出奔臣既罪惡君亦孤露上下不協莫此之甚故加月以見譏

昭二十二年春宋華亥向寧華定自宋南里出

奔楚

昭三十一年冬黑肱以濫來奔

定四年冬十有一月楚囊瓦出奔鄭承吳楚戰月

定十年秋宋樂大心出奔曹

是年冬宋公之弟辰暨仲佗石彊出奔陳

定十四年春衛公叔戌來奔

是春衛趙陽出奔宋

是年秋衛世子蒯瞶出奔宋

是秋衛公孟彊出奔鄭

是秋宋公之弟辰自蕭來奔

哀四年春王二月蔡公孫辰出奔吳承殺蔡侯月

哀六年夏齊國夏及高張來奔

哀十一年夏陳轅頗出奔鄭

是年冬十有一月衛世叔齊出奔宋承葬滕隱公月

右四十七著例四十五其變例二

大夫歸

桓十一年九月突歸于鄭為會盟月

桓十七年秋八月蔡季自陳歸于蔡承蔡侯卒月

莊二十四年冬赤歸于曹

僖二十八年冬衛元咺自晉復歸于衛

成十四年夏衛孫林父自晉歸于衛

成十五年秋八月宋華元自晉歸于宋承葬共公月

襄二十三年夏陳侯之弟光自楚歸于陳

昭十三年夏四月楚公子比自晉歸于楚為弒君月

定十三年冬晉趙鞅歸于晉

哀十年五月衛公孟彊自齊歸于衛承葬齊悼公月



右十著例

大夫入

桓十五年五月許叔入于許承鄭伯奔月

莊三年秋紀季以鄫入于齊

莊九年夏齊小白入于齊

成十八年夏宋魚石復入于彭城

襄二十三年夏晉欒盈復入于晉入于曲沃

襄三十年九月鄭良霄自許入于鄭承葬共姬月

昭元年秋莒去疾自齊入于莒

定十一年秋宋樂大心自曹入于蕭

右八著例

叛

襄二十六年春王二月衛孫林父入于戚以叛

承弒君月

昭二十一年夏宋華亥向寧華定自陳入于宋

南里以叛

定十一年春宋公之弟辰及仲佗石彊公子地

自陳入于蕭以叛

定十三年秋晉趙鞅入于晉陽以叛

是年冬晉荀盈士吉射入于朝歌以叛

右五著例

西疇居士春秋本例卷第十五 後學成德校訂

西疇居士春秋本例卷第十六

涪陵崔氏

凡外事門

例時

殺世子

僖五年春晉侯殺其世子申生

襄二十六年秋宋公殺其世子痤

昭八年春陳侯之弟招殺陳世子偃師

右三著例

殺君之子

僖九年冬晉里克殺其君之子奚齊

執世子用之

右一著例

昭十一年冬十有一月楚師滅蔡執蔡世子有

以歸用之承滅國月

右一著例

殺大夫

莊二十二年春王正月陳人殺其公子禦寇承葬月

莊二十六年夏曹殺其大夫

僖七年夏鄭殺其大夫申侯

僖十年夏晉殺其大夫里克

僖十一年春晉殺其大夫丕鄭父

僖二十五年夏四月宋殺其大夫承衛侯卒月

僖二十八年夏四月楚殺其大夫得臣承戰城濮月

僖三十年秋衛殺其大夫元咺及公子瑕

文六年冬十月晉殺其大夫陽處父承葬晉襄公月

文七年夏宋人殺其大夫

文八年冬十月宋人殺其大夫司馬承盟月

文九年二月晉人殺其大夫先都承葬襄王月

是年三月晉人殺其大夫士穀及箕鄭父承夫人至月

文十年夏楚殺其大夫宜申

宣十一年冬十月楚人殺陳夏徵舒為入陳月

宣十三年冬晉殺其大夫先穀

宣十四年春衛殺其大夫孔達

成八年夏晉殺其大夫趙同趙括

成十五年秋八月宋殺其大夫山承葬宋公月

成十七年十有二月晉殺其大夫卻錡卻犇卻

承日食月

成十八年春王正月晉殺其大夫胥童為殺君月

是月齊殺其大夫國佐

襄二年冬楚殺其大夫公子申

襄五年秋楚殺其大夫公子壬夫

襄十九年八月齊殺其大夫高厚承仲孫蔑卒月

是月鄭殺其大夫公子嘉

襄二十年秋蔡殺其大夫公子燮

襄二十二年冬楚殺其大夫公子追舒

襄二十三年夏陳殺其大夫慶虎及慶寅

是年冬十月晉人殺欒盈承臧統出奔月

襄二十七年夏衛殺其大夫甯喜

襄三十年秋七月鄭人殺良霄承葬共姬月

昭二年秋鄭殺其大夫公孫黑

昭四年七月楚子執齊慶封殺之為滅賴月

昭五年春王正月楚殺其大夫屈申承舍中軍月

昭八年夏楚人執陳行人于徵師殺之

是年秋陳人殺其大夫公子過

昭十二年五月楚殺其大夫成熊承葬簡公月

昭十四年冬莒殺其公子意恢

昭二十七年夏楚殺其大夫卻宛

哀二年十有一月蔡殺其大夫公子駟承蔡遷月

哀四年夏蔡殺大夫公孫姓公孫霍

右四十二著例

盜殺大夫

襄十年冬盜殺鄭公子駢公子發公孫輒

昭二十年秋盜殺衛侯之兄縶

哀十三年冬十有一月盜殺陳夏區夫承星字月

右三著例

獲大夫

僖元年冬十月敗莒師于鄆獲莒拏

宣三年春王二月宋鄭戰于大棘獲宋華元

襄八年夏鄭侵蔡獲蔡公子燮

昭二十三年秋七月吳敗頓胡沈蔡陳許之師

獲陳夏齧

哀十一年夏五月齊吳戰艾陵獲齊國書

右五著例一其四各承戰敗月

執大夫

桓十一年九月宋人執鄭祭仲為盟月

莊十七年春齊人執鄭詹

僖四年夏齊人執陳轅濤塗

襄十一年秋人楚執鄭行人良霄

襄十八年夏晉人執衛行人石買

襄二十六年秋晉人執衛甯喜

定元年三月晉人執宋仲幾于京師定無正以三月繼王

定六年秋晉人執宋行人樂祈犁

定七年秋齊人執衛行人北宮結以侵衛

右九著例

放大夫

宣元年夏晉放其大夫胥甲父于衛

昭八年冬十月楚師滅陳執公子招放之于越

承滅陳月

哀三年秋蔡人放其大夫公孫獵于吳

右三著例

討賊

隱四年九月衛人殺州吁于濮衛人不即討賊踰九月而僅殺之于濮故加

月以見之

桓六年八月蔡人殺陳佗承大閱月

莊九年春齊人殺無知

昭十三年夏四月楚公子弃疾殺公子比承弒君月

右四著例三其變例一

西疇居士春秋本例卷第十六 後學成德校訂

通志堂

西疇居士春秋本例卷第十七

涪陵崔氏

凡外事門

例時

侵

莊十五年秋鄭人侵宋

莊二十九年夏鄭人侵許

僖二年冬十月楚人侵鄭

承不兩月

僖二十八年春晉侯侵曹

僖三十年秋介人侵蕭

宣元年秋楚子鄭人侵陳遂侵宋

是年冬晉趙穿帥師侵崇

宣二年夏晉人宋人衛人陳人侵鄭

宣三年夏楚人侵鄭

成二年冬楚師鄭師侵衛

成六年二月衛孫良夫帥師侵宋 承立武 官月

成八年春晉欒書帥師侵蔡

成十年春衛侯之弟黑背帥師侵鄭

成十六年夏四月鄭公子喜帥師侵宋 承卒 月

成十七年春衛北宮括帥師侵鄭

成十八年冬楚人鄭人侵宋

襄二年六月晉師宋師衛甯殖侵鄭 承鄭伯 卒月

襄八年夏鄭人侵蔡

襄十一年夏四月鄭公孫舍之帥師侵宋 承卜 郊月

襄十二年冬楚公子貞帥師侵宋

襄十九年秋七月晉士匄帥師侵齊 為齊侯 卒月

定七年秋齊人執衛行人北宮結以侵衛

定八年秋七月晉士鞅帥師侵鄭遂侵衛 承陳侯 卒月

哀七年春宋皇瑗帥師侵鄭

是春晉魏曼多帥師侵衛

哀十年夏晉趙鞅帥師侵齊

哀十三年秋晉魏曼多帥師侵衛

右二十七著例

隱二年十有二月鄭人伐衛承子氏薨月

隱四年春王二月莒人伐杞為弒君月

是年宋公陳侯蔡人衛人伐鄭

隱五年九月邾人鄭人伐宋承考宮月

是年冬十有二月宋人伐鄭承公子卒月

隱十年秋宋人衛人蔡人伐戴

桓五年秋蔡人衛人陳人從王伐鄭

桓十四年冬十有二月宋人以齊人蔡人衛人

陳人伐鄭承齊侯卒月

莊十四年春齊人陳人曹人伐宋

莊十五年秋宋人齊人邾人伐鄭

莊十六年夏宋人齊人衛人伐鄭

莊二十八年春王三月甲寅齊人伐衛為戰月

僖元年秋七月楚人伐鄭承夫人薨月

僖三年冬楚人伐鄭

僖七年春齊人伐鄭

僖十一年冬楚人伐黃

僖十五年春王正月楚人伐徐承公如月

是年秋七月齊師曹師伐厲厲楚屬也傳曰伐厲以救徐是也桓以安中國撫諸

侯為己任不能却楚以救徐而顧伐厲厲何罪焉伐國以救國未可以公天下也於桓為病矣故加月以見譏

是年冬宋人伐曹



僖十八年春王正月宋公曹伯衛人邾人伐齊

十二月齊侯卒不正四國之伐喪故加月以見譏

是年冬邢人狄人伐衛

僖十九年冬衛人伐邢

僖二十年冬楚人伐隨

僖二十一年秋會于孟執宋公以伐宋

僖二十二年夏宋公衛侯許男滕子伐鄭

僖二十三年春齊侯伐宋

是年秋楚人伐陳

僖二十六年冬楚人伐宋

僖二十八年春晉侯伐衛

文元年夏四月晉侯伐衛承葬僖公月

是月衛人伐晉

文二年冬晉人宋人陳人鄭人伐秦

文三年夏五月秦人伐晉承王子虎卒月

是年冬晉陽處父伐楚承公盟月

文七年冬徐伐莒

文九年三月楚人伐鄭承夫人至月

文十年夏秦伐晉

文十一年春楚子伐麋

文十七年春晉人衛人陳人鄭人伐宋

宣元年秋宋公陳侯衛侯曹伯會晉師于棗林

伐鄭

是年冬晉人宋人伐鄭

宣二年春王二月秦師伐晉承戰月

宣四年冬楚子伐鄭

宣五年冬楚人伐鄭

宣八年六月晉師白狄伐秦承有事月

宣九年夏齊侯伐萊

是年九月晉荀林父帥師伐陳為晉侯卒月

是年冬十月楚子伐鄭承衛侯卒月

宣十年五月晉人宋人衛人曹人伐鄭承葬齊惠公月

是年六月宋師伐滕

宣十二年冬十有二月宋師伐陳承滅蕭月

宣十三年春齊師伐莒

是年夏楚子伐宋

宣十四年夏五月晉侯伐鄭承曹伯卒月

宣十五年六月秦人伐晉承滅潞月

宣十八年晉侯衛世子臧伐齊

成三年夏鄭公子去疾帥師伐許

是年冬十有一月鄭伐許承盟月

成四年冬鄭伯伐許

成六年秋楚公子嬰齊帥師伐鄭承齊侯卒月

成九年秋七月晉欒書帥師伐鄭

是年冬十有一月秦人白狄伐晉 承葬齊頃公月

是月楚公子嬰齊帥師伐莒

成十四年秋鄭公子喜帥師伐許

成十五年夏六月楚子伐鄭 承宋公卒月

成十八年夏楚子鄭伯伐宋

襄元年夏晉韓厥帥師伐鄭

襄二年春王正月鄭伯伐宋 承葬簡王月

襄三年冬晉荀瑩帥師伐許

襄五年冬楚公子貞帥師伐陳

襄八年冬楚公子貞帥師伐鄭

襄九年冬十有二月楚子伐鄭 承盟戲月

襄十年夏五月楚公子貞鄭公孫輒帥師伐宋

承滅偃陽月

襄十一年秋七月楚子鄭伯伐宋 承盟月

是年冬秦人伐晉

襄十七年春王二月宋人伐陳 承邾子卒月

是年夏衛石買帥師伐曹

襄十八年冬十月楚公子午帥師伐鄭 承曹伯卒月

襄十九年夏衛孫林父帥師伐齊

襄二十四年秋七月齊崔杼帥師伐莒 承日食月

襄二十五年冬鄭公孫夏帥師伐陳

襄二十六年冬楚子蔡侯陳侯伐鄭

昭六年冬齊侯伐北燕

昭十六年春齊侯伐徐

昭十九年春宋公伐邾

是年秋齊高發帥師伐莒

昭二十二年春齊侯伐莒

定十二年夏衛公孟彊帥師伐曹

定十三年夏衛公孟彊帥師伐曹

定十五年夏鄭罕達帥師伐宋

哀元年秋齊侯衛侯伐晉

哀三年五月宋樂髡帥師伐曹

承桓宮災月

哀四年夏齊侯伐宋

是夏晉趙鞅帥師伐衛

哀六年冬宋向巢帥師伐曹

哀九年夏楚人伐陳

是年秋宋公伐鄭

哀十年夏宋人伐鄭

是年冬楚公子結帥師伐陳

哀十二年秋宋向巢帥師伐鄭

哀十三年夏楚公子申帥師伐陳

右百一著例九十九其變例二

圍

隱五年冬十有二月宋人伐鄭圍長葛

承公子區卒月

通志堂

僖六年秋楚人圍許

僖十九年秋宋人圍曹

僖二十三年春齊侯伐宋圍緡

僖二十五年秋楚人圍陳

僖二十六年冬楚人伐宋圍緡

僖二十七年冬楚人蔡侯陳侯鄭伯許男圍宋

僖二十八年冬諸侯遂圍許

僖三十年秋晉人秦人圍鄭

文三年秋楚人圍江

宣三年秋宋師圍曹

宣九年冬十月宋人圍滕

承衛侯
卒月

宣十二年春楚子圍鄭

宣十四年秋九月楚子圍宋

為葬曹
文公月

成九年冬十有一月鄭人圍許

承葬齊
頃公月

襄四年冬陳人圍頓

襄七年冬楚公子貞帥師圍陳

昭十一年夏四月楚公子弃疾帥師圍蔡

承殺蔡
侯月

昭二十三年春王正月晉人圍郊

承叔鞅
卒月

定四年秋七月楚人圍蔡

承公
至月

定十年夏晉趙鞅帥師圍衛

哀元年春王正月楚子陳侯隋侯許男圍蔡

承即位
月

哀三年春齊國夏衛石曼姑帥師圍戚

哀七年秋八月宋人圍曹承入邾月

右二十四著例

取

隱四年春王二月莒人伐杞取牟婁為弒君月

隱六年冬宋人取長葛

僖三年夏四月徐人取舒承不兩月

宣九年秋取根牟

右四著例

西疇居士春秋本例卷第十七

後學 成德 校訂

西疇居士春秋本例卷第十八

涪陵崔氏

凡外事門

例時

救

閔元年春王正月齊人救邢例書正月

僖元年春王正月齊師宋師曹師救邢例書正月

僖六年秋諸侯遂救許

僖二十八年春楚人救衛

文三年十有二月晉陽處父伐楚救江承盟月

宣元年秋晉趙盾帥師救陳

宣九年冬十月晉卻缺帥師救鄭承衛侯 卒月

宣十二年冬十有二月衛人救陳承滅 蕭月

成六年冬晉欒書帥師救鄭

襄十年冬楚公子貞帥師救鄭

哀七年冬鄭駟弘帥師救曹

右十一著例

納

僖二十五年秋楚人圍陳納頓子于頓

文十四年秋七月晉人納捷菑于邾弗克納承公 至月

宣十一年冬十月楚子入陳納公孫寧儀行父

于陳入陳 月

昭十二年春齊高偃帥師納北燕伯于陽

哀二年夏四月晉趙鞅帥師納衛世子蒯瞶于

戚承衛侯 卒月

右五著例

降

莊八年夏邾降于齊師

莊三十年秋七月齊人降邾邾降于齊邾自降也齊人 降邾劫而服之也不正齊

桓行霸而劫人以 降故加月以見譏

右二著例一其變例一

戍

襄五年冬戍陳

襄十年冬戌鄭虎牢

右二著例

襲

襄二十三年冬十月齊侯襲莒

承臧孫
奔月

右一著例

殲

莊十七年夏齊人殲于遂

右一著例

奔師

閔二年冬鄭奔其師

右一著例

取師

隱十年秋宋人蔡人衛人伐戴鄭伯伐取之

哀九年春王二月宋皇瑗帥師取鄭師于雍丘

承葬杞
僖公月

哀十三年春鄭罕達帥師取宋師于岳

右三著例

遷邑

莊元年冬十月齊師遷紀邢鄆郚

承陳侯
卒月

右一著例

入郛

文十五年十有二月齊侯遂伐曹入其郛

承齊人
歸叔姬

城

右一著例

僖元年夏六月齊師宋師曹師城邢

解見城楚丘

僖二年春王二月城楚丘

楚丘衛邑齊人城之以封衛也

公以為恥故春秋為之諱不書滅而書入城楚丘以封衛桓公不以為功故春秋不書其人始終諱之也定之方中木瓜之詩存則滅衛城楚丘不患不見於後世又城邢與楚丘獨以月志見桓公之急於存亡曾不踰月而遂能城衛邢之都云爾

變例以見之也詳具經解

僖十四年春諸侯城緣陵

右三著例一其變例二

葬

桓十年夏五月葬曹桓公

故加月

莊二十四年春王三月葬曹莊公

故加月

僖四年八月葬許穆公

承公至月

僖七年冬葬曹昭公

文六年春葬許僖公

文九年冬葬曹共公

宣十四年九月葬曹文公

故加月

宣十七年夏葬許昭公

成十三年冬葬曹宣公

襄六年秋葬杞桓公

襄十九年春葬曹成公

襄二十三年夏葬杞孝公

襄二十六年冬葬許靈公

昭元年秋葬邾悼公

昭三年五月葬滕成公故加月

昭六年夏葬杞文公

昭十四年秋葬曹武公

昭十八年秋葬曹平公

昭十九年冬葬許悼公

昭二十四年冬葬杞平公

昭二十八年三月葬曹悼公故加月

是年冬葬滕悼公

昭三十一年秋葬薛獻公

定三年秋葬邾莊公

定四年秋七月葬杞悼公承公至月

定八年秋七月葬曹靖公承陳侯卒月

是年九月葬陳懷公

定十二年夏葬薛襄公

哀四年十有二月葬蔡昭公

哀四年十有二月葬滕頃公承葬蔡昭月

哀九年春王二月葬杞僖公故加月

哀十年秋葬薛惠公

哀十一年冬十有一月葬滕隱公故加月

哀十三年秋葬許元公

右三十四著例二十五其變例九

蓋僭禮而葬者加月

以見譏也此變例者九而四在曹蓋曹雖小國其出會敘盟常居鄭衛之後邾滕之前以為次國則不足以為小國則其尤也故曹之為例與小國差異宜其僭禮者獨多也不然曹固得從次國例耶

西疇居士春秋本例卷第十八

後學 成德 校訂

西疇居士春秋本例卷第十九

涪陵崔氏

戎狄門

楚始見於春秋稱荆其後乃稱楚蓋荆以州號而楚以國號其後日以強大來慕禮義其君臣爵號名氏自同乎中國故春秋亦從而書之自屈完來盟之後楚於是例中國矣吳亦夷狄之強也然其君臣爵號名氏不自同乎中國惟其行禮于中國與其有援中國之功則春秋從而進之其他因其故俗而已故吳終春秋之世夷也

例月

凡夷狄與內接而與中國同例者各見本門

公與盟

隱二年秋八月庚辰公及戎盟于唐

凡外盟例月與戎盟例時公盟

例曰與戎盟例月春秋尊中國而賤夷狄詳略之例然也桓二年公及戎盟不日是其例此變例而加日蓋以譏公之始與戎好也

桓二年九月公及戎盟于唐

右二著例一其變例一

滅中國

僖十年春王正月狄滅溫溫子奔衛

襄十年春公會諸侯會吳于柤夏五月甲午遂

滅偃陽

再言會吳主吳也於會主吳則遂滅偃陽者吳事也

昭三十年冬十有二月吳滅徐徐子章羽奔楚

先儒以徐為夷非也春秋以中國例書徐而曰夷者何也

右三著例二其變例一

入中國

莊十四年秋七月荆入蔡

閔二年十有二月狄入衛

定四年冬十有一月庚辰吳入郢

入國甚矣春秋之時未有入國見入

者春秋略夷狄而曰吳之入郢所以重大國之禍云爾故變例以見之詳具經解

右三著例二其變例一

敗中國

莊十年秋九月荆敗蔡師于莘

昭二十三年秋七月戊辰吳敗頓胡沈蔡陳許

之師于雞父

為吳沈子滅日

右二著例

為中國滅

僖十七年夏滅項

文十六年秋八月楚人秦人巴人滅庸

宣八年夏六月楚人滅舒蓼

宣十六年春王正月晉人滅赤狄甲氏及留吁

成十七年十有二月楚人滅舒庸

襄二十五年秋八月楚屈建帥師滅舒鳩

昭十七年八月晉荀吳帥師滅陸渾戎

右七著例

國滅以君歸

宣十五年六月癸卯晉師滅赤狄潞氏以潞子

嬰兒歸

春秋略夷狄未有以日志者蓋以為有國之禍莫重於見滅人君之辱莫甚於以歸故特變例而加日所以深

警乎後世不肖之君知以是為恥耳蓋曰夷狄之賤猶且云爾況於諸夏之有國乎

右一著例

弑君

襄二十九年夏五月閻弑吳子餘祭

昭二十七年夏四月吳弑其君僚

右二著例

卒

襄十二年秋九月吳子乘卒

襄二十五年冬十有二月吳子遏伐楚門于巢

卒

昭十五年春王正月吳子夷末卒

定十四年夏五月吳子光卒

右四著例

例時

中國與盟

僖二十年秋齊人狄人盟于邢

僖三十二年秋衛人及狄盟

文八年冬十月乙酉公子遂會雜戎盟于暴解具內大

夫盟下

右三著例二其變例一

中國與戰

昭十七年冬楚人及吳戰于長岸

哀十一年夏五月公會吳伐齊甲戌齊國書及

吳戰于艾陵凡夷狄戰不日此加日見公與之戰也且上言公會吳伐齊而下言國書及吳戰則公之與戰亦明矣凡春秋之戰不以公親之尊親之道也

亦明矣凡春秋之戰不以公親之尊親之道也

右二著例一其變例一

為中國敗

僖三十三年秋晉人敗狄于箕

文十一年冬十月甲午叔孫得臣敗狄于鹹傳曰長狄

也為中國患叔孫得臣射而殺之夫不興師徒以一人之力一朝之間而能除中國患春秋善焉故詳錄而加日不言帥師而特加日知傳之猶信也

猶信也

成十有二年秋晉人敗狄于交剛

昭元年六月晉荀吳敗狄于太原承邾子卒月

右四著例三其變例一春秋以戰敗為有國之重事而皆以日志今夷狄之戰敗猶不及月何也兵革固所以禦外侮也則中國之與夷狄戰而敗之者乃其常耳故略也

為中國侵

僖三十二年夏四月衛人侵狄 承鄭伯卒月

右一著例

為中國伐

莊三十年冬齊人伐山戎

僖十年夏齊侯許男伐北戎

僖十七年春齊人徐人伐英氏

宣三年春王正月楚子伐陸渾戎 承郊牛月

襄三年春楚公子嬰齊帥師伐吳

襄十四年秋楚公子貞帥師伐吳

襄二十四年夏楚子伐吳

昭四年秋七月楚子蔡侯陳侯許男頓子胡子

沈子淮夷伐吳 為滅賴月

昭五年冬楚子蔡侯陳侯許男頓子沈子徐人

越人伐吳

昭六年秋九月楚蘧罷帥師伐吳 承零月

昭十二年冬十月晉伐鮮虞 承公子愬奔月

昭十五年晉荀吳帥師伐鮮虞

定四年秋七月晉士鞅衛孔圉帥師伐鮮虞 承劉卷卒

哀六年春晉趙鞅帥師伐鮮虞

右十四著例

為中國圍

文十二年夏楚人圍巢

右一著例

侵中國

莊二十四年冬戎侵曹

僖十三年春秋侵衛

僖十四年八月狄侵鄭承沙庭崩月

僖二十一年狄侵衛

僖三十年夏狄侵齊

文四年夏狄侵齊

文九年夏狄侵齊

文十年冬狄侵宋

文十一年秋狄侵齊

文十三年冬狄侵衛

宣三年秋赤狄侵齊

宣四年夏六月赤狄侵齊承鄭弒君月

右十二著例

伐中國以歸附

隱七年冬戎伐凡伯于楚丘以歸

莊十六年秋荆伐鄭

莊二十八年秋荆伐鄭

莊三十一年冬十月狄伐邢承子般卒月

僖八年夏狄伐晉

僖二十四年夏狄伐鄭

成七年春王正月吳伐鄭承麇鼠食郊牛月

哀六年春吳伐陳

右八著例

圍中國

僖三十一年冬狄圍衛

右一著例

救中國

僖十八年五月狄救齊承戰月

哀十年冬吳救陳

右二著例

執歸

哀四年夏晉人執戎蠻子赤歸于楚

右一著例

誘殺

昭十六年春楚子誘戎蠻子殺之

右一著例

相滅

昭十三年冬十月吳滅州來承葬蔡靈公月

昭二十四年冬吳滅巢

右二著例

相入

成七年八月吳入州來承盟馬陵月

定五年夏於越入吳

哀十三年夏於越入吳

右三著例

相敗

定十四年五月於越敗吳于檇李為吳子卒月

右一著例

相伐

昭三十二年夏吳伐越

右一著例

西疇居士春秋本例卷第十九 後學成德校訂

西疇居士春秋本例卷第二十

涪陵崔氏

內災異門

例日

日食

隱三年春王二月己巳日有食之

桓三年秋七月壬辰朔日有食之既

桓十七年冬十月朔日有食之

莊十八年春王三月日有食之

莊二十五年六月辛未朔日有食之

莊二十六年冬十有二月癸亥朔日有食之

莊三十年九月庚午朔日有食之

僖五年九月戊申朔日有食之

僖十二年春王三月庚午日有食之

僖十五年夏五月日有食之

文元年二月癸亥日有食之

文十五年六月辛丑朔日有食之

宣八年秋七月甲子日有食之既

宣十年夏四月丙辰日有食之

宣十七年六月癸卯日有食之

成十六年六月丙寅朔日有食之

成十七年十有二月丁巳朔日有食之

襄十四年二月乙未朔日有食之

襄十五年秋八月丁巳日有食之

襄二十年冬十月丙辰朔日有食之

襄二十一年九月庚戌朔日有食之

是年冬十月庚辰朔日有食之

襄二十三年春王正月癸酉朔日有食之

襄二十四年秋七月甲子朔日有食之

是年八月癸巳朔日有食之

襄二十七年冬十有二月乙亥朔日有食之

昭七年夏四月甲辰朔日有食之

昭十五年六月丁巳朔日有食之

昭十七年夏六月甲戌朔日有食之

昭二十一年秋七月壬午朔日有食之

昭二十二年十有二月癸酉朔日有食之

昭二十四年夏五月乙未朔日有食之

昭三十一年十有二月辛亥朔日有食之

定五年春王三月辛亥朔日有食之

定十二年十有一月丙寅朔日有食之

定十五年八月庚辰朔日有食之

右三十六著例三十三其闕日者三

地震

文九年九月癸酉地震

襄十六年五月甲子地震

昭十九年夏五月己卯地震

昭二十三年八月乙未地震

哀三年夏四月甲午地震

右五著例

震電

震廟附

隱九年三月癸酉大雨震電

僖十五年九月己卯晦震夷伯之廟

右二著例

山崩

僖十四年秋八月辛卯沙鹿崩

右一著例

星不見星隕

莊七年夏四月辛卯夜恒星不見夜中星隕如

雨

右一著例

災

桓十四年秋八月壬申御廩災

僖二十年五月乙巳西宮災

成三年二月甲子新宮災三日哭

定二年夏五月壬辰雉門及兩觀災

哀三年五月辛卯桓宮僖宮災

哀四年六月辛丑亳社災

右六著例

例月

雨雪

隱九年三月庚辰大雨雪為挾
卒月

桓八年冬十月雨雪

右二著例

隕霜

僖三十三年十有二月隕霜不殺草

定元年冬十月隕霜殺菽

右二著例

右雨雪隕霜志時候之差故自當月也

例時

有年大

桓三年冬有年

宣十六年冬大有年

右二著例

無麥禾

莊七年秋無麥苗

莊二十八年冬大無麥禾

右二著例

李梅實

僖三十三年十有二月李梅實承隕霜月

右一著例

大水

桓元年秋大水

桓十三年夏大水

莊七年秋大水

莊二十四年八月大水承夫人八月

莊二十五年秋水大

宣十年秋大水

成五年秋大水

襄二十四年秋七月大水承日食月

旱

右八著例

僖二十一年夏大旱

宣七年秋大旱

右二著例

饑大

宣十年冬饑

宣十五年冬饑

襄二十四年冬大饑

右三著例

有蜚

莊二十九秋有蜚

右一著例

有蜮

莊十八年秋有蜮

右一著例

多麋

莊十七年冬多麋

右一著例

有鸚鵒

昭二十五年夏有鸚鵒來巢

右一著例

蝮生

宣十五年冬蝮生

右一著例

獲麟

哀十四年春西狩獲麟

右一著例

不著例

星孛

文十四年秋七月有星孛入于北斗

昭十七年冬有星孛于大辰

哀十三年冬十有一月有星孛于東方

右三

雨雹

僖十年冬大雨雹

僖二十九年秋大雨雹

昭三年冬大雨雹

昭四年春王正月大雨雹

右四

無冰

桓十四年春正月無冰

成元年二月無冰

襄二十八年春無冰

雨木冰

右三

成十六年春王正月雨木冰

右一

螟

隱五年九月螟

隱八年九月螟

莊六年秋螟

右三

螽

桓五年秋螽

僖十五年八月螽

文八年冬十月螽

宣六年秋八月螽

宣十三年秋螽

宣十五年秋螽

襄七年八月螽

哀十二年冬十有二月螽

哀十三年九月螽

是年十有二月螽

右十

右六物不著例於月有之則月志於時有之則

雩

時志志事之實見災之久近與異之踈數也

桓五年秋大雩

僖十一年秋八月大雩

僖十三年秋九月大雩

成三年秋大雩

成七年秋大雩

襄五年秋大雩

襄八年秋九月大雩

襄十六年秋大雩

襄十七年九月大雩

襄二十八年秋八月大雩

昭三年八月大雩

昭六年秋九月大雩

昭八年秋大雩

昭十六年九月大雩

昭二十四年秋八月大雩

昭二十五年秋七月上辛大雩季辛又雩一月再雩自當

志日也

定元年九月大雩

定七年秋大雩

是年九月大雩

定十二年秋大雩

右二十一

不雨

莊三十一年冬不雨

僖二年冬十月不雨

僖三年春王正月不雨夏四月不雨六月雨

文二年自十有二月不雨至于秋七月

文十年自正月不雨至于秋七月

文十三年自正月不雨至于秋七月

右六

右雩者求雨之祭春秋之例於雩而得雨則書

雩雩而不得雨則書不雨為災則書旱故於

書雩之年未嘗書旱與不雨書旱與不雨之

年未嘗書雩也其例蓋於雩之月而雨則以

月志雩於雩之時而雨則以時志雩於雩而

不雨則以時志不雨於踰時而不雨則又各

以首月志不雨則自某月不雨至于某月

者志實不雨而已非志雩而不得雨者也僖

公歷三時三書不雨而書六月雨蓋僖公憂

民閔雨而數為之雩於雩而不雨則書不雨

以志其憂於其得雨則書雨以志其喜書之

詳以見其勤也文公歷三時不雨而略曰自

某月不雨至於某月於文之世三見之蓋文不憂民閔雨而不為之雩其不雨不以為憂其雨不以為喜書之略以志其怠也故觀所書之詳略以考二君之行事則其為例可見矣

外災異門

月例

災

襄三十年五月甲午宋災

宋伯姬卒加日於災上見伯姬以災死也

昭九年夏四月陳災

昭十八年夏五月壬午宋衛陳鄭災

加日見四國同日災也

右三著例一其變例二

時例

大災

疫也

莊二十年夏齊大災

襄九年春宋災

右二著例

火

宣十六年夏成周宣榭火

右一著例

山崩

成五年夏梁山崩

爾雅曰梁山晉望也

右一著例

大水

莊十一年秋宋大水

右一著例

雨螽

文三年秋雨螽于宋

右一著例

隕石六鵙退飛

僖十六年春王正月戊申朔隕石于宋五

是月六鵙退飛過宋都


右各一

二事以日月志而知例時者外異例時也然春秋晦朝有事焉則書晦朝謹終始也志朔則不得不志月

與日矣又嫌二者之同日故加是月以見之凡事之嫌者殊志也

西疇居士春秋本例卷第二十

後學 成德 校訂



宋大... 卷二十

十一

通

Blank page with some faint marks and a small character '人' near the top center.

Blank page with vertical lines and faint ghosting of text from the reverse side. A small character '三' is visible at the top right, and '以公' is visible at the bottom right.

